



圖

明至


沈槐篆

廬



寶

圖



題望廬圖詩

吳玉輝 亞白

長樂郡
振鐸西
諸君書

惻：望蓬廬蓬廬故依然
網繆風與雨疇筭相周
旋見伊著荆布還注茲
廬邊便非金屋比亦足
齊芳年忽焉慘埋玉置之
山邛巔斯人竟長夜君自
託短椽歸來兒女啼遶廬
淚如泉猶能識君廬夢寐
寐勿棄捐

宋景蘇 金庭

憶疇筭子潘安仁賦悼亡子
詞屢陳撫形影兮孤且予
望其廬子思其人有玉溪之
君子子嘆花落

是言詩
于青春雖得新而不忘其故子懷結髮之私思夢
瓊樓兮飄渺慨金屋兮沈淪歌轉輾于枕席兮步
騎省之後塵其室則邇子其人何存遺鈿墜子寶
髻空箱疊子羅袞珠浦寒子逝波巫峯斷兮浮雲
恨千繩子情鍾時獨立兮銷魂豈蓬萊仙關之飛
去兮恒惘恍而無言

沈德相石齋

少年如我苦如荼回憶當年淚早枯共泣牛衣三
載恨忽分鸞鏡一鐙孤風前愁聽鳩呼婦梁上驚
看燕哺雛鷺白不堪和淚寫傷心忍見望廬圖

自題望廬圖

悼亡也

顧修業厓

空廬寂：繞寒林刺繡房櫳風雨深舊鏡塵封三
十載每逢七夕泣金針婦亡于七
夕前一日
昨夜風吹落木聲牕前疑是喚卿，今朝漫向溪
頭立愁絕青山夢不成

悼亡

附

婦錢氏名淑字孟徽號荇采
歿於乙酉年七月初六日

葯椀香匳七月中碧梧一葉落金風潘郎無限露
胃淚欲語窮泉何路通
記得羹湯三日無諳姑食性佐中厨嗟余有妹當
年天洗手無緣問小姑

曩日歸寧過水村麻車同挽指衡門練裳竹筥仍
家具隱者之風樂灌園

內則雞鳴無間然姑嫜亦曰婦能賢那知善事慳
終養愛日堂前祇七年

夢裏藍田掌上珠原思反哺到慈烏如何椿茂萱
華日一夕翻教淚眼枯


篝燈伴讀到更闌一片花飛翠羽殘空憶鴛鴦三
十六雙棲雙語白蘋灘

機紋聲停課讀時教兒難字若嚴師雙瞳黑似明
秋水泉下相隨賴汝知亡兒琴生早慧六歲九經成誦婦自課至十三歲而

挂陰課

子畚

方薰題



題桂陰課子圖詩

吳玉輝 亞白

萬斛初飄馥 雙珠甫及肩
 小山招隱地 秋樹讀書天
 花待凌寒發 珠煩滴露研
 籟金唾 屏擋誰識禹
 鈞賢

宋景蘇 金庭

願况書臺舊有名 高齋又聽朗吟聲
 雙枝試比燕山種 便覺清芬滿院生
 素蛾分取廣寒秋 雲外香飄桂子稠
 遙憶玉山金粟影 界溪猶剩古風流

徐 畿春郊

君不見燕山竇氏莊丹桂五枝齊芬芳門庭奕奕
爛生光栽培賴有尚書郎義方之訓不可忘萊厓
先生工詞章著述不減成都揚年華老矣倦遊梁
移家小住城東旁百弓新築同辟疆桂樹連蜷遶
空廊秋風八月天氣涼金粟花開簇々黃聞來課
讀坐中央膝下時隨雙雁行大兒端重陳元方小
兒英俊韋仲將執經而立如負墻廼環雒誦聲琅
琅風吹花點落書囊能令卷帙皆生香君家舊有
萬本藏聚書多似春明坊金題玉躡堆滿床不獨

細字寫巾箱我聞讀書在精詳墨守訓詁匪為良
譬彼紅女織縑紉別翻花樣始擅塲瞽言之獻誠
荒唐君其恕我次公狂桐溪只隔一葦杭別後悠
悠歲月長展君圖画遙相望何時得到君書堂來
看君家雛鳳凰

章光祖秋巖

野王臺咫尺之子溯前脩欲問遺安計書田歲有
秋
叢桂清陰下悠然坐日長課兒兼自課重理舊書
囊

方薰 樗盒

木樨香着小山叢坐惜三餘羨此翁時向花間作
清課教兒文選杜陵風

華瑞 潢秋槎

聽徹讀書聲天香滿襟袖折取最高枝應竝燕山
竇

何琪 春渚

透邨兒郎玉雪如髻年能讀等身書山齋盡日無
人到桂樹團之花放初

桑庭 樗雲柯

雲散遙天景物清碧闌干外讀書聲一枝預擬登
科貴萬卷先期攷業成應與芝蘭增氣象不隨桃
李鬥光榮謝家羣沒多才調玉樹臨風早擅名

釋禪 一小顛

香飄金粟墮檐前一片秋陰澹沲天玉局風流傳
有本自然驥子似斜川

高桐 雪舫 嘉興

讀書臺古著家聲燕翼何須金滿籬祇看傳經桂
陰裏可知嚴父是先生

萊衣舞罷拂天香提命從教識義方他日寒宮高

折處漫誇竇氏五枝芳

吳展成二瓢

行樂圖開安樂窩
秋牕人坐桂香多
此時只憶攤書好
珍重兒曹一揣摩
金石聲鏗徹戶庭
承歡大小盡寧馨
何妨夜讀還隨月
天際常儀注眼青

沈德相石齋

誰從天上乞移花
曾拂霓裳五色霞
三十六橋明月夜
飄來桂子落君家

玉山池館古香清
想見當年顧仲瑛
金粟影中間

自題桂陰課子圖

顧修菴

三餘正可下書帷
況是青春努力時
駒隙光陰休浪擲
莫令老大益傷悲
夕葵秋樹溯平生
曾記伊唔少日情
今日小山空偃蹇
愛聽兒子讀書聲
桂花開值已涼天
書舍幽閒碧澗連
黃雪滿山香未了
教兒檢點白雲篇

孫

圖

方薰書

竹


下

娛

孫

圖

方薰



題竹下娛孫圖詩

華瑞潢秋槎

班
娛孫來竹下一逕綠雲環繞膝看頭角真成玉筍

方
薰
樗
盒

舍館問字老懷開繞膝牽衣竹下來眼底分明頭
角異干雲多是出羣才

徐光照
月巖

空庭烟靄生清籟曼脩竹之子耽幽棲鎮日坐寒
綠嬉戲携孫雖種此藍田五芳蘭茁其芽勝如筍

一束託根君子林，
嶄然露頭角，歡咲依蓬扉，
遊行繞林麓，繩武欣有人家風，
嗣畊讀彷彿玉山翁，讓君占清福。

宋景蘇金庭

篔簹繞逕短籬橫，
嬉戲看騎竹馬行，
小隱自高君子節，
籜龍頭角也崢嶸。

坐對琅玕賦小園，
笑將穉竹比童孫，
他時玉筍班中客，
已露烟梢翠一痕。

孫貫中古杉

翠影玲瓏菴碧疏，
弄孫竹下晚風初，
坐來穩水剛

懷友攜入青山好，
讀書一味分甘仍棗栗，
三多紀瑞自門閭，
林泉儘可留佳話，
嬉笑還傳烏雀餘。

李富孫香子嘉興

篔簹千箇嫋々晴雲鎖，
活翠暖煙空際墮，
一片團圓帖妥，
清芬又長蘭孫分，
甘真覺顏歡鄰下依。

依笑語萬竿鳳子飛，
翻調寄清平樂

吳展成二瓢嘉興

竹圃風來寒碧重，
盡日林邊坐聽琤琮，
送春到筍根，
雷雨動龍孫，
挺出枝棲鳳，
江左清門誰與共，
瑜珥瑤環繞膝傳，
書種指點干霄千尺，
聳憑君一。

是言
咲含飴再

調寄蝶戀花

楊之灝 篔簹山

婁縣

慈竹蔭千株一逕林於清風拳石坐來舒膝下翩
翩成老鳳已得三雛擊磬與牽裾結隊羣趨袖
中棗栗索還儲也學乃翁兒戲日竟挽鬚鬚調倚賣花
教

陳連 東橋 青浦

嵐烟晴捲琅玕翠盤礴雲根且小憇閒剖一味時
分甘抱得諸孫任兒戲君家七業齊文章興門蘭
桂聯芬芳若剪燭珠露頭角不作虎威作鳳凰

施紹培 石樵

一雨生衆涼清影散修竹幽人坐其下色映鬚眉
綠文孫縱嬌小相與伴幽獨頭角已蘄然娛老計
不足不見初生篁幾日映空谷等是干霄姿終期
拔塵俗

章光祖 秋

寫出林間趣分甘繞膝歡詩人不相識便作右軍
看

披圖應巖然老作兒童侶指點問諸雛斯人在何
許

許 宗 冷 壑 嘉 興

閒園十畝樂徜徉脩植堪教比果桑逸致昔曾聞
栗里畫圖今復見長康

環立森々玉萬竿此君風味足盤桓含飴老眼真
堪慰便作芝蘭寶樹看

温 純 春 灤

此君寄幽情含飴娛老福膝下共森々孫子與脩
竹

豈惟桐生枝竹孫亦林立而况練實多引得鳳凰
集

自題竹下娛孫圖

顧 修 業 厓

濃綠千竿煙外林枳籬深處聽春禽小孫不解山
中趣只弄花間清磬音

點衣飛翠入簾櫳碧玉聲敲丹々風棗栗索將孫
子喜攜來一顆洞庭紅

階前初長玉蘭芽一片清陰足住家我自怡情新
竹徑蒼茫吟罷夕陽斜

湯惱兒童慧復默晨昏坐愛竹林隈葯欄蘿磴憑
渠玩活潑天機叫月來

快絕團團赤子心春風簸々入懷深斲然頭角崢

嶒露紫筍相看是碧陰

抽梢應合過東墻
篩月籠烟嫩籜香
祖竹不知裁律管
孫枝那曉伴鸞凰

方壺妙手墨花翻
萬个琅玕一水邨
投老林泉無箇事
朝閒弄兩三孫

東

樂

幾

月

蔡涵輝書



題東臯蠶月圖詩

朱文藻

丁巳中夏次畜中自題原韻

碌碌因人作嫁衣腰圍不自驗臞肥病妻本是蠶
桑女鴟夢驚回怕葉稀

墻外隣家十畝桑蠶稠葉貴亦心忙今年領畧東

臯趣蠶熟風吹煮繭香

余卜宅臨江鄉十餘年惟今歲安居里門親覩蠶事

記得桐溪泊幾回未曾蠶月棹舟來村庄風景多
相似縲羅車聲正熟梅

耕織圖中半画蠶女功辛苦筆踪含松年在後前

樓璫此燈堪追宋渡南

南宋時樓璫劉松年先後並画耕織畝各四十二幅

耕與織各居其半織圖繪蠶桑始末之事極為詳備

黃鶴含山德清武林青霞道人

野人家住茗溪曲舊時事業田家樂清明已過槐
火新桃葉織之桑葉綠東家西家漸不通南村北
村松花熟焙山看火取次唬紅嬾三三眠不足誰
家新婦罷凝妝垂簾那管東風惡芳艸帶腰劇可
憐陌上花開又花落白雪如山繭欲成彩霞萬縷
珠千斛未知辛苦焉知歡繰車軋之雲連屋桐溪
風物似茗溪披圖我亦懷邦族請看三月賣新絲
願得年年蠶事作

方薰樗盦

戴勝飛鳴女桑綠村之却值蠶初浴東臯主人經
月忙拂拭筐籠補蠶簇江鄉時已過禁煙柴門靜
掩楊花天乍晴乍雨麥秋到采桑南陌人爭先紅
閨燈火中夜起護持次第成三眠朝來炙箔山初
上雪繭盈堆如甕盎舉家歡喜賽蠶孃林陰軋之
繰車響

宋景蘇金蓮

閉戶江南蠶月提筐塙下桑田時值半寒半暖人
看三起三眠

題畫詩 東臯蠶月



P1

陌頭楊柳風柔村角杏花雨霽隔林梯竹影斜落
葉剪刀聲細

買葉常防葉貴飼蠶猶恐蠶饑里正催完官賦小
姑索製新衣

昨朝採繭落山明日縑絲汲水忙呼牛背童歸拜
設馬頭孃祀

何琪春渚

物候春將去林陰綠有餘燕飛風細、鳩喚雨疎
踈竹屋簾垂後桑園斧響初知君唵整輟聊復理
蠶書

吳瀧東坵

蠶月閉戶嚴蠶婦勤采桑三眠辛苦後雪繭白滿
筐到處振簫鼓社賽馬頭娘

釋禪一小顛西湖僧

女桑門巷晝愔、四月東臯斲客尋待得三眠三
起後盈筐雪蠶盡黃金

華瑞潢秋槎無錫

四月蠶正忙親朋戒來注簾幕寂無聲時聞桑剪
響

朱彭青湖

女桑一帶蔭邱樊蠶帖人家半掩門最美東臯風
日好携筐少婦向前村

暄和天氣正清嘉蠶事今年定足誇待到上山分
繭後綠陰門巷響繰車

祝德麟 芷堂

門巷蕭然寂家、蠶事與陌頭采桑女可似羅敷
能

宋 璉 樗里

不知東郭西郭中有三家兩家作苦正當蠶月客
來但話桑麻

夏 儼 守白

鳴鳩逐婦出林飛遠岸桑濃綠上衣吏不催租深
閉戶白花開徧野薔薇

連村煮繭動炊煙日色籠雲不雨天大婦功輸中
婦倍辛劬市月荷相憐

徐光照 月巖

君家昔住語溪曲門外陰、桑葉綠君家今住桐
溪濱繞郭桑陰青到屋陽春三月過清明人家浴
蠶、始生巷北巷南齊掩戶綠陰滿地鳴鳩鳴鳴
鳩鳴時微雨歇暮烟隱、散林樾呼僮陌上采桑

歸獨立東臯看新月

程 綸 葦村

十里梧溪繞竹岡不栽花木祇栽桑蠶書一卷渾
難讀特叩先生到草堂

連朝小雨透春泥新綠無端漲沒蹊柳絮纒飛桃
已謝倉庚枝上盡情啼

寂靜茆簷掩竹扉養蠶天氣日霏微東隣回望煙
初暝桑葉盈筐帶月歸

采、桑桑助女紅笑如作繭號同功柘蠶絲出梧
桐里爾雅勞君補釋蟲爾雅釋蟲篇不載食柘業者故戲及之

自題東臯蠶月圖

顧 修 菴 厓

由來卒歲警無衣蠶月辛勤蠶子肥欲識蠶功蠶
婦苦采桑圖裏記依稀

語兒溪畔舊條桑寫出田家蠶事忙今日東山山
下路晚風擔得豆花香

呢喃新燕傍簷回三月桐花溪上來會得女紅圖
意古紫雲東畔欲黃梅

春城士女育春蠶籬角薔薇露半含剝繭練絲筋
力瘁畫中風景認江南

桐溪育蠶詞附

浴種簷前日正晴十分禱罷卜盈、蠶房暖得蠶
花火妯娌相看蠶子生
地近臯蘭東復東苧蘿門逕遶梧桐溫柔解得紅
蠶性仔細燈前淺碧烘
夜半雞鳴人未眠烟蓑雨笠舊溪邊願蠶食盡聲
散葉喜殺温和穀雨天
東舍西鄰路未通羅敷陌上暫相同蠶家四月閒
時少莫咲村姑鬢上蓬
墻邊狼藉好花枝想是兒童鬥艸時桑椹敲來櫻
子味筠籠處、也相隨

家、牕紙掩梅花一半蘆簾屋角遮飼得三眠蠶
飽食穩教絲繭勝隣家

棲蠶老屋兩三間采、提筐溪一灣林外初長天
氣好直須忙到繭堆山

九曲溪頭烟雨叢漁舟柘葉摘忽、野蠶餒向桃
花岸極早新絲晒半蓬

鳳里由來說販鮮養蠶時節剪多船水鄉南北頻
為市挑向街頭換幾錢


繭白山頭箔綴銀練車軋、小河濱做絲花放蠶
絲熟鳩婦呼時忙煞人

言畫齋
二
蒼茫日夕佐姑翁芍藥階前已落紅一月女郎無
信問行、好趁揀花風
大婦機連小婦機新絲賣去買魚歸輸官不待催
租至一半還留織夏衣

南
敵
犁

雨
云

蔡涵輝書



題南畝犁雲圖詩

鍾駕鰲海六

杏花映村塢布穀飛且鳴隣叟早飯牛呼兒陌上行
 君久荷鋤至戮力事躬耕感茲風雨好作苦待
 秋成有秋固所願更望人餘贏家給而人足盡若
 猗氏盈外戶夜不閉風俗自樸誠但憂一飽虧恐
 非沮溺情

吳展成 二瓢

如膏春雨足扶犁雨後融
 一斛泥柳外烏犍青
 箬笠勸耕人過語兒溪

是畫詩
重為披圖一惘然梧桐鄉裏憶高賢可憐儂久江
村客老大荒蕪只硯田

王發春畬

布穀催春耕飯牛向清曉藉彼物力勤及此天時
好流雲淡無際平疇青未了圓笠俯田間長簑挂
煙表犁罷復歸來夕陽下芳艸余久農家流睠焉
此終老

華瑞潢秋槎

秧針綠初齊一犁春雨足從此樂豐年臥聽漁樵
曲

方薰樗盦

沾田一夜社公雨西舍東隣老農喜好約朝來去
耦畊更盡蝦蟆先鳥起虎頭豈是扶犁翁咲欵箸
笠烟雨中樂哉置身入圖畫江鄉好景如幽風日
午叱牛遍南畝柳陰洗足跨牛走行歌扣角歸衡
門對月還傾瓦盆酒

蔣元龍春雨

西風打稻聲拍々碌碡場邊竟堆積人家戶々謀
蓋藏了却公私謝交迫豈知辛苦三春時日撻牛
犁秃項脊服田力穡乃有秋凡百如農難後獲吾

衰倖免隸農夫閉門高卧讀書冊啼饑索飢置弗
聞磨盡窮年一片石不見古來相與公發迹犁鉏
起阡陌它生願作多牛翁虛名底用文章伯

顧列星樊渠

沾塗不憚課春耕隴上時聞叱犢聲一飽昌黎欣
二鳥長饑彭澤乞他生為農自力何須勸輸稅常
先不用征抱甕漢陰機久息對君圖畫最關情

胡錦俊章

買得溪南半頃田一犁常在水雲邊黃梅雨好憑
誰畫荷笠唵歸牛背眠

華岑松春濤無錫

扣角何嘗廢讀書占農喜值杏花初連朝膏雨催
分種幾處春陰入荷鋤饒有閒情對桑柘獨將真
意問田廬人游熙宇安耕鑿一幅幽風景恰如

吳金源慶生

啓戶見農祥習勤先鳥起平野綠漾一犁伴煙
水時聞叱牛聲遙在白雲裏

金以報淳香桐鄉

垂柳碧甍驅過前山犢人影隔溪烟一犁新雨
足土甘多壽人時和蕃美澤繪入豳風圖綠雲遍

南陌

祝德麟 芷堂 海寧

躬耕意所欣鄰農告春及叱犢隴畝間夜來新雨
濕

宋 璉 樗里

林坳迤邐可數阡陌縱橫不分昨夜一犁膏雨有
人曉起耕雲

吳 灇 東垞

五月足梅雨村、喚布穀植杖至南畝晨興叱黃
犢耕破一頃雲豐年預可卜

張 澧 秋葉

曉來雲水滿銀塘相約扶犁逸興長春雨沾花香
十里秋風吹稻熟重陽烟簑出晒山中日簞笠歸
披月下霜不是一身勞畝畝要知經濟在農桑

宋景蘇 金庭 吳江

我家聞湖旁有田連數頃犁雨復畊雲瞻蒲還望
杏所冀粒米收饑寒勿交併奈何數載來偏隅肆
灾青旱乾裂焦土水潦泛斷梗有時濕熟蒸連畦
生蝗蝻遂令歲不登京坻空引領昨者逢老農告
我語悲哽去秋上場圃捆載乘野艇急完官倉糧

追呼免箠梃還家視餘粟且謀一飽飼甕無數月
儲兒啼心耿耿今春逼嚴寒肅殺遍郊町春花剩
菜萁夏麥空麩糠際此插秧時雨淫水沒脛苗爛
補已遲民飢望誰拯我聞老農言惻然願形影身
無牧民權繪圖難上請食貧困饘粥哀吟守鄉井
願述田家苦用以告當境

徐光照 月巖 桐鄉

高蹈繼逋翁吟懷一畝宮鋤耨黃犢外簔笠綠楊
中布穀聲原好扶犁興不窮杏花春雨足圖畫入
邠風

自題南畝犁雲圖

顧 修 菴 厓

布穀布穀喚溪曲前村後村秧針綠凌晨驅犢到
斜曛水田漠漠凝寒雲紅笠寫入丹青裏王洽之
山荆浩水一犁春雨煙外簔笠事當年扣角歌



杏
店
圖

初
繪

江

杏
店
圖

初
繪



山橋野店柳移之無限
風光盡在正酣斜日一鞭
跨。首。外。杏。花。紅。夢。

江。南。

杏花村詩



杏花江店圖小引

汪雲雪谷

金陵城外鐵甕城邊遺齊梁陳宋之風聚南北東
西之客率彼勝地伸我高懷睹江水而心目俱清
眺鍾山而精神並秀和風冉冉畫樓欄畔酒旗斜
麗日遲紅杏枝頭春意鬧逐賣花於珠市謝女
窺簾尋解珮於板橋吳姬勸盞鶯喉現皖音流白
下之門燕羽差池翻入烏衣之巷采香船蘭橈戲
綠湖號莫愁弄潮兒玉樹飛聲歌傳長恨景難悉
數情豈能忘柰節序之遷移隔予懷之浩渺可無
名句寫平生良遇之奇曰繪新圖誌昔日薄游之

快

題杏花江店圖詩

張培蓉江錢塘

風光一路草萋萋，指點斜陽送馬蹄。無限閒情何處好，青旗野店小橋西。

多情楊柳暗江頭，酒壚吳姬待客遊。何事懷歸未得，三更春夢揚州。

祝德麟芷堂

斜驢背啣鞭舉江村，指杏花春風如有意。飄蕩酒旗

姚椿春木錢塘

是言言
紅杏倚斜鐵甕城山橫翠靄水輕盈好將酒意添
春色無限風光畫裏情

小橋流水緩吟鞭人到秦淮便是仙我自西湖隄
柳外畫船簫鼓樂年々

華瑞潢 秋槎 無錫

春雨憶江南紅杏花如簇何處憇吟鞭青帘出茅
屋

鍾駕鰲 海六 嘉興

野店春風憶舊遊斑駁何處最勾留杏花十里參
差路紅板橋南孫楚樓

程 綸 葦村 桐鄉

飄零琴劍度花朝遙指青帘過板橋孫楚高樓宜
共醉伊桓長笛漫相邀客邊愁絕尋三閣馬上詩
成吊六朝記取紅雲遮斷處石頭城外路迢迢

顧 瑛 林韻 無錫

黃塵撲面倦遊驂村店茅柴我舊諳一夜小樓新
遇雨行人只合向江南

袷衣初試薄暄天花外人家未禁烟怪道東風腸
易斷亂紅吹到酒壚前

吳宗元 岱芝

花開十里映明流紅到橋南
舊酒樓若做樊川詩
句好前村問有牧童不

杏園高會鬥繁華
無數郎君插帽斜
何似野橋江路穩
馬頭春色酒人家

夏

儼

守白

秀水

桃葉渡邊雁齒橋
泊船沽酒雨瀟瀟
杏花一樹紅
初濕門對春江正落潮

酒旗風引客停驂
花月秦淮路舊諳
楊柳青
春水碧六朝山色滿江南

汪

雲

雪谷

秀水

金陵舊游地江清山更好
六朝金粉遺多半在花
艸波暖秦淮春鶯啼珠市
曉酒熟杏花村青帘颺
林杪吳姬解勸客雙鬢垂
窈窕廿載未經過披圖
目猶了

徐光照

月巖

桐鄉

聽來深巷賣花擔
有客閒停柳外驂
遙指前村沽酒去
玉樓春色醉江南

年來江店好春饒
粉薄紅輕蘸水嬌
最是酒旗搖曳處
詩情多在綠楊橋

顧

至

於山

長洲

每逢花墅一停驂紅映春旗雨後酣未許司勳遊
興獨阿儂生長在江南

程元南宮

紅杏花深夾道遮清遊自覺酒須賒東風樹、流
鶯滿喚到橋南第幾家

方薰 樗盦 石門

策蹇尋詩不自忙杏梢春已透紅芳一瓢欲向當
壚醉正及花時酒價昂

一帘小市颭芳塵消得江頭麩米春驢背東風吹
不醒鶯花相喚醉鄉人

自題杏花江店圖

顧修業 厓


一鞭煙外趁芬菲山店青帘颭落暉芳艸路遙聊
覓句養花天好漫停驂綠楊暖泛秦淮水紅雨寒
輕燕子磯春色

上林空有夢金焦點、送人歸

夾岸紅飛江路賒蕭、驢背感年華六朝金粉沉
山郭萬樹香風擁酒家渡口鶯啼微雨歇枝頭燕
語夕陽斜秣陵回憶渾疑畫一帶烟村半杏花

春
山
索

句
金
懷
興



馬蹄蹄肖歲年一歲吟
向西冷隱士家重色六橋
春色之氣孤山下正標花錦
素得句幾曾州坡老吟
情聲已班笑問百多三萬
日何人字字多浙西山
孫吳中

題春山索句圖詩

錢維喬竹初

陽湖

家近湖山有淨因一枝筇竹喜隨身從教檢點奚
囊物好與春風作主人

岩壑由來置幼輿肯將勳業讓樵漁無私花柳皆
天意譜入幽吟味有餘

人生著屐能幾緡九十春光拋等閒咲我掩關成
獨臥頻年清夢隔煙鬟

筆底烟霞本未忘青鞵有伴足相羊天真爛漫披
面見知是詩狂合酒狂

祝德麟芷堂

春山不遇人獨步蒼巖上試向此中尋王裴有遺響

計楠春樹

東風吹綠湖上山落花如雪詩人還六橋風景年年好何人半日偷清閒橫山先生游興佳時拖竹杖穿芒屨囊中有句不輕出繪圖猶寄平生懷

華瑞潢秋槎無錫

雜花滿芳樹好景正春深不是成詩癖青山索我吟

洪蒙煊達泉臨海

靜者足清興春山時一臨蘭風生水曲竹氣抱亭陰暢詠齊絃管幽懷見古今無人知寄迤日莫向

長林集楔帖字

宋景蘇金庭吳江

六橋三竺春風寒年々繫艇河之干尋山欲學謝康樂課詩竊比梅都官半天清籟答鶴嘯一時古調如琴彈試携杖屐訪顛衲南屏峯下同盤桓

金以報淳香桐鄉

早拂吟鞭向翠隈堤邊芳艸畫圖開遙山一帶青

是言詩
如薺儘與詩人拄頰來
杖策尋山愧未遑年來空自號詩狂輸君老去嗟
懷健收拾鶯花貯一囊

李富孫香子

倩問何人娑拖筇竹攀蘿恰際春晚暖翠浮空晴
嵐潑眼幾幅襄陽畫好更隔林禽語聽彷彿笙簧
逸調倏然石磴裊裊知惹吟腸爭鬧 試倚雲屏
凝睇把秀態奇形都供詩料綠蟻傾壺紅泉淪茗
只合幽情西咲分付小童語須檢點箋箱多少萬
疊千重畫收錦囊纔了調寄探春

自題春山索句圖

顧 修業厓

君不見西泠橋畔西子湖林巒絕勝人間無丹青
縱有神妙手伊誰寫出西湖圖我管扁舟湖上宿
雨後山光凝寒綠凌晨策杖沿湖隄空翠浮嵐看
不足山寺曉鐘鳴催我晴山行晴山萬疊春更好
南北兩峯天半橫勝遊採取恣獨注清緣償得詩
魂爽謝家池艸夢中栽林老亭梅塵外賞安得如
虹意氣豪須拈倚馬五色毫香山已往坡仙遠嗟
鬢撚斲空勞 終日蒼茫覓不得無限情懷有誰
識回首煙霞迹已陳舊遊如夢空追憶名山河處

尋賈島掃石題詩不知老好句欲向山靈乞妙語
應從雲根討詩成苦未泣鬼神依舊春光滿眼新
韶華如此長辜負山鳥山花咲煞人

